



SIARAN MEDIA

ORATIS RX SDN BHD

PENJELASAN STATUS PEMBEKALAN UBAT DAN ALATAN PERUBATAN OLEH ORATIS RX SDN. BHD. KEPADA PESARA PERKHIDMATAN AWAM PERSEKUTUAN DAN VETERAN ATM

Oratis Rx Sdn Bhd (OratisRx) ingin menjelaskan bahawa tiada arahan dari Jabatan Perkhidmatan Awam bagi memberhentikan terus pembekalan ubat dan alatan perubatan kepada pesara dan veteran ATM serta tanggungannya. Sebaliknya segala pembekalan ubat dan alatan perubatan kepada pesara dan veteran ATM selepas 27 Februari 2017 akan diuruskan oleh pihak kerajaan tanpa melalui sistem e-MASS.

Untuk makluman, kontrak perkhidmatan pembekalan ubat dan alat perubatan kepada pesara awam persekutuan dan veteran ATM melalui sistem e-MASS yang bermula pada 26 Januari 2012 telah tamat tempoh pada 27 Januari 2017. Walau bagaimanapun, perkhidmatan ini telah dilanjutkan secara interim sehingga 27 Februari 2017.

Dengan penamatan kontrak tersebut, satu notis dalaman telah diedarkan kepada pembekal-pembekal berdaftar OratisRx untuk memberhentikan semua pembekalan ubat dan alatan perubatan melalui sistem e-MASS, berkuatkuasa mulai 28 Februari 2017. Ingin dijelaskan bahawa notis tersebut bertujuan untuk edaran dalaman dan bukan ditujukan kepada pesara kerajaan dan veteran ATM.

OratisRx dengan ini memohon maaf di atas sebarang kekeliruan yang timbul dan kami menyokong penuh sebarang keputusan kerajaan bagi menambahbaik urusan pembekalan ubat dan alatan perubatan demi kesejahteraan pesara dan veteran ATM.

ORATIS RX SDN. BHD.

Tarikh : 3 Mac 2017

Tel : 03 – 55228600

Emel : corporate@oratisrx.com.my